

ՀԱՅԱՍՏԱՆԻ ՊԵՏԱԿԱՆ ՊԱՏՄԱԿԱՆ ԹԱՆԳԱՐԱՆԻ
ԱԶԳԱԳՐԱԿԱՆ ՖՈՆԴԵՐԸ

Պետական պատմական թանգարանը Հայաստանի գիտահետազոտական և մշակութային կարևոր օջախներից մեկն է. իր հարուստ ֆոնդերով և մասսայական ցուցադրությամբ ամենամեծն է Հայաստանում:

Թանգարանի ազգագրական բաժինը կազմակերպվել է 1921 թ. վերջերին, Թիֆլիսից Երևան փոխադրված Հայոց ազգագրական ընկերության մեծ ժողովածուի հիման վրա: Այդ տեղափոխումը կազմակերպել էր Ազգագրական ընկերության հիմնադիր Օրվանդ Լալայանը, որը և եղավ թանգարանի ազգագրական բաժնի առաջին վարիչը:

1929—31 թթ. էջմիածնի թանգարանի գույքը հանձնվեց Հայաստանի Պատմության թանգարանին, որի մեջ զգալի տեղ էին գրավում արևմտահայերի տարազի և կահկարասիների հավաքածուները, որոնք մասամբ կազմվել էին առաջին համաշխարհային պատերազմի տարիներին՝ 1915—1918 թթ., արևմտահայերի գաղթի ժամանակ:

Թանգարանի ազգագրական ժողովածուները հարստացնելու, կովկասի հայաբնակ վայրերում հայ ժողովրդի կենցաղն ու սովորությունները ուսումնասիրելու և թանգարանի համար ազգագրական իրեր ձեռք բերելու նպատակով սկսեցին կազմակերպվել գիտական արշավախմբեր դեպի Լեռնային Ղարաբաղ, Զանգեզուր, Մեղրի (1938 թ.), Լոռի—Ղաղախ (1934—1935 թթ.), Ախալքալար—Ախալցխա (1936 թ.), Աշտարակ (1938 թ.), Նոր-Բայազետ (1938 թ.) և այլ վայրեր՝ Օրվանդ Լալայանին բաժնի վարիչի պաշտոնում փոխարինած պրոֆեսոր Ստեփան Լիսիցյանի ղեկավարությամբ: Որոշ ընդմիջումից հետո, հատկապես վերջին տարիներս, ավելի հաճախ են կազմակերպվում արշավախմբեր՝ ֆոնդերում եղած ժողովածուները լրացնելու նպատակով: Այժմ ազգագրական ֆոնդն ունի մոտ 20000 առարկա, որոնք զբաղեցված են 9632 համարների տակ: Այդ ժողովածուի մեջ, բացի հայկականից, կան նաև ուրիշ ժողովուրդների ազգագրության վերաբերյալ նյութեր: Ֆոնդի ամենահին իրը նախազարդ, հայերեն արձանագրությամբ պղնձե մի մեծ սկուտեղ է (6089 համարի տակ)՝ պատրաստված 1477 թ.,

ապա մի շուրջառ՝ պատրաստված 1501 թ., մի ուրիշը՝ 1564 թ. և այլն: Սկուտեղը խոր է, կենտրոնում մեծ շրջանակի մեջ փորագրված՝ բուսական զարդանախշ, նրա շուրջը կան ալիքաձև նախշեր, գազաններ, թռչուններ, սողուններ, հիշվում է նաև վարպետ Գյուրջիի աշխատանքը:

Հայաստանում պղնձի հանքավայրերի առկայությունը հնարավորություն է տվել այդ մետաղից պատրաստելու կենցաղային առարկաներ: Մեր ունեցած պղնձե իրերը՝ սկուտեղներ, ափսեններ, թասներ, սափորներ (չյուզյումներ), բաղյալներ, թավաներ, կաղամարներ և այլն, պատրաստված են գերազանցապես XV—XIX դարերում, Երևանում, էջմիածնում, Թոբատում, էրզրումում, Վանում: Պղնձե առարկաների վրա ավորաբար փորագրված են բուսական՝ հատկապես նշաձև և տերևաձև, կենդանական (եղնիկներ, թռչուններ, ձկներ) նախշեր, զարդարված իրեր: Երկրորդ տեղում՝ ումարաձև, շրջանաձև ու թեք գծանախշերով: Պղնձե անոթներին հատուկ են նաև զույգ գոտկաձև գծանախշերը: Նրանց վրա փորագրված են արձանագրություններ՝ պատմաբանական վարպետի սնվան, պատրաստելու տարեթվի նշումով:

Մեծ սկուտեղները անցյալում ծառայել են որպես սեղան, իսկ այժմ կենցաղից բոլորովին դուրս են եկել: Այժմ պղնձե առարկաներից հորժանվում են մեծ մասամբ կաթսաները, խաղողի հյութից դոշար, շարոց (սուջուխ) պատրաստելու և հատուկ հարմարանքների հետ օդի քաշելու համար: Ֆոնդում եղած պղնձե իրերի հարուստ հավաքածուները ցույց են տալիս, որ այդ մետաղը շատ տարածված է եղել Հայաստանի գրեթե բոլոր շրջաններում, շնայած այն բանին, որ նրանք պատրաստվել են քաղաքներում, որտեղ գոյություն են ունեցել պղնձագործներ՝ իրենց հատուկ թաղամասերով: Պղնձե առարկաները աղքատ օժիտի անհրաժեշտ մասն են կազմել:

Ոսկերչությունը հայ ժողովրդի մեջ տարածված հնագույն արհեստներից մեկն է: Դեռևս II հազարամյակի բնակավայրերում և դամբարաններում գտնվել են ոսկե բարձրարվեստ առարկաներ: Հայտնի են ուրարտական ոսկե զար-

ղերը: Ոսկերչության զարգացման համար Հայաստանն ուներ հումքային մեծ հնարավորություններ՝ ոսկու հանքեր: Այն մեծ զարգացման հասավ IX—XI դդ. Ուրարտուում՝ հատկապես Տոսպում (Վան), իսկ միջնադարում կատարելության հասավ նախ Դվինում և Անիում՝ IX—XIII դդ., իսկ հետո՝ էրզրումում, Վանում:

Արևելյան Հայաստանը Ռուսաստանին միացվելուց հետո (1828 թ.), էրզրումից ներգաղթողների հետ միասին Անդրկովկաս են տեղափոխվել նաև շնորհալի ոսկերիչներ և շարունակել այդ արհեստի զարգացումն իրենց նոր բնակության վայրերում: Թանգարանի ազգագրական ֆոնդում պահվում են էրզրումցի ոսկերիչների թելքաշ գործերը, Ախալցխայի ոսկերիչներ Կոչոյանի, Արիսի թելքաշ, փորագրման, սևադաման տեխնիկայով պատրաստված նուրբ սափորները, զարդերը, ծխախոտատուփերն ու դրամապանակները, վանեցի վարպետներ Դիոնիսյանի, Հացագործյանի՝ թելքաշ, փորագրված, սևադաման տեխնիկայով պատրաստուած նուրբ սափորները, գարդերը, ծխախոտատուփերն ու դրամապանակները, վանեցի վարպետներ Դիոնիսյանի, Հացագործյանի՝ թելքաշ, փորագրված, սևադաման տեխնիկայով պատրաստուած նուրբ սափորները, գարդերը, ծխախոտատուփերը, սկահակները, թասերը, սափորները գավաթներով (N° N° 6347, 5355, 6303) և այլն, դարաբաղձի վարպետ Բաղամի սափորը՝ փորագրագարդ կոկոսի ընկույզի հետ եռմրինաձված (N° 6300), գինու գավաթները իրենց պնակներով (N° N° 6319, 6320), դաշույնը, շերեփը և այլ էմալապատ գործեր, երկտասարդ հայրենագարձ արծաթադրոձ Կույումջյանի «Դվին», «Տավրոս», «Հայաստան» սափորները, հայ թագավորների դիմանկարներով զուտին, ժամանակակից արծաթագործ արվեստագետներ Տեր-Ղևոնդյանի զրվագված մեծ ափսե՝ թռչնաձև մարդագլուխ զարդով, Կյուրեղյանի ցանցկեն, գունավոր բարերով զարդարված տակառիկը իր գավաթներով ու գավաթակալներով և ուրիշ շատ վարպետների գործեր:

Թելքաշ, սևադաման, զրվագման, փորագրման, հատիկավոր էմալապատման տեխնիկան միջուց հայտնի է հայ ոսկերիչներին:

Ֆոնդում եղած ոսկե և արծաթե իրերի ժողովածուները ցույց են տալիս, որ XVIII—XX դարերում հայ ոսկերիչները, շարունակելով աշխատել հնում ընդունված տեխնիկական եղանակներով և գործադրելով ավանդական զարդամոտիվներ, սակեղծում են հույակապ գործեր: Վարպետներից ոմանց գործերում երբեմն կոմբինացված ձևով է հանդես գալիս տեխնիկական տարրեր եղանակների կիրառությունը՝ թելքաշի հետ զգալիորեն, սևադի հետ փորագրումը և այլն:

Ֆոնդը հարուստ է արհեստների տարրեր տեխնիկների գործիքներով ու նրանցով պատրաստված իրերով: Հայաստանում ղեկուս հին դարերից սկսած զարգացած է եղել կավագործու-

թյունը: Հայտնի է Հնեոլիթյան փայլեցրած, գունազարդ խեցեղենը, որը պատկանում է մ. թ. ա. IV—II հազարամյակներին: Միջին դարերում մեծ չափով արտադրվել է գունազեղ ջնարակած խեցեղեն ու հախճապակե ամանեղեն:

Հայաստանում զարգացած են եղել նաև զինագործությունը, դարբնությունը, ոսկերչությունը, պղնձագործությունը, ջուլհակությունը և շատ ու շատ այլ արհեստներ, որոնք ևս ծագել են հնագույն ժամանակներում: Ֆոնդում պահված են զինագործի, ոսկերիչի, պղնձագործի, դարբնի, բրուտի, շալագործի, թամբագործի, հակի գործիքներ, կտավ գործելու, գորգագործական դաղաձևեր:

Հայ արհեստավորները կազմել են տարրեր արհեստների գծով իրենց համբարություններով Վանում, Կարինում, Նրևանում, Ալեքսանդրապոլում, ինչպես նաև Թիֆլիսում, Ղրիմում, Ախալցխայում, նոր Նախիջևանում: Այդ համարությունները գոյություն են ունեցել մինչև XIX դ. վերջերը: Կապիտալիստական հարաբերությունների զարգացման հետևանքով սկսվել է նրանց բայրայումը: Համբարությունները ունեցել են իրենց զրոշակը, կանոնադրությունը, սովորությունները: Ֆոնդում կան հյուսների, պղնձագործների և այլ արհեստավորական համարությունների զրոշակներ, զրավոր նյութեր և այլն:

Ազգագրական ժողովածուները հարուստ են ազգային տարազի կոմպլեքսներով: Զգեստները կարված են զերազանցապես տեղում արտադրած բրդե, մետաքսե, բամբակե կտորներից: Բրդե կտորի արտադրությանը հայտնի է եղել Շատախի շրջանի Թաղ գյուղը: Այնտեղ գործած կտորը ունի 54 սմ լայնություն և 12 մետր երկարություն: Այն վաճառքի են հանել Վանում, Էջմիածնում, Թիֆլիսում և Ռուսաստանի տարրեր քաղաքներում: Հավաքածուներում կան Շատախի շալից կարված շավարներ, գրուններ, ելակներ: Զգեստների հավաքածուներում աչքի են ընկնում Կարեն հայության՝ Ախալցխայի, Ախալքալաքի, Ալեքսանդրապոլի, Ղարսի, Արդվինի, ոսկեզօծ և արծաթաթել ասեղնազոբծությամբ զարդարված կանացի թավշե ջուպյաները և զոգնոցները:

Ընդհանուր առմամբ հայ ժողովրդի տարազը երկու հատվածի է բաժանվում՝ արևելահայության և աբխազահայության, բայց յուրաքանչյուր հատվածն ունի իր տարրեր ազգագրական շրջանները, հետևապես և տարազի տարբեր ձևերը:

Զգեստների կոմպլեքսների մեջ են մտնում նուրբ մետաքսե զխաշորերը և հաստ, ասեղնազործ շամբարները, գլխի հարդարանքի մասն-

րը՝ ֆաս փիսկիլով, օյա, չիխտի-կուպի, պուի, բերանակապեր (Ջանգեզուր, Ագուլիս), ինչպես նաև աղանելիքը՝ գուլպա, կոշկեղեն, տրեխներ և այլն:

Ազգագրական ֆոնդում զգալի տեղ են զբաղում գորգերը, խուրջիները, անկողնակալները, ձիու թամբի ծածկոցները: Գորգագործությունը որպես տնայնագործական արհեստի հիմնական տեսակներից մեկը, հին պատմություն ունի: Միջին դարերում մեծ հռչակ են վայելել Դվինի գորգերը: Դեռ այսօր էլ մի շարք թանգարաններում և մասնավոր ժողովածուներում պահվում են հայկական թանկարժեք գորգեր: Մեզ հասած հնագույն հայկական գորգը, 1202 թ., գտնվում է Վիեննայում: Այն գործված է այժմյան Կիրովաբադի շրջանի Բանանց հայկական գյուղում: Ֆոնդում կան Վասպուրականում, Զանգեզուրում, էրզրումում, Լեռնային Ղարաբաղում, Երևանում, Լենինականում գործած գորգեր:

Գորգեր գործելու մեջ է հանգես եկել հայ կնոջ շնորհքը, ճաշակը, գեղեցկի նրա ըմբռնումը: Գորգերի միջոցով նա կահավորել, գեղեցիկ է դարձրել տունը, սենյակը: Գորգերն իրենց յուրահատուկ դարձաներն ունեն, որոնց մեջ աչքի են ընկնում ոճավորված բուսական և կենդանական մոտիվները: Օգտագործել են բուսական և կենդանական ներկեր, XIX դարի վերջերից՝ նաև քիմիական ներկեր: Հայաստանում, դեռևս հին դարերից սկսած, նշանավոր է հղել կարմիր ներկի մի տեսակը, որը կոչվել է որդան կարմիր և արտահանվել է աշխարհի շատ երկրներ: Ֆոնդի գորգերից երևում է, որ հայկական գորգերի մեջ առավել չափով օգտագործվել են կարմիր, կապույտ, ոսկեգույն, դեղին, կաթնագույն, կանաչ, սև գույներն իրենց երանգներով: Գորգերի ժողովածուում կան նաև նոր գորգեր, որոնց մոտիվները վերցված են հայկական մանրանկարչությունից, հուշարձաններից: Հայկական գորգերի մասին մենագրական լուրջ ուսումնասիրություն է գրել Թանգարանի նախկին աշխատակից, հանգուցյալ Վ. Խևմուրճյանը:

Ֆոնդում պահվում են ասեղնագործության և ժանյակագործության բազմատեսակ նուրբ նրմուշներ: Ասեղնագործված բարձի, վերմակի երեսները, ծածկոցները (եկեղեցական և աշխարհիկ), սփռոցները, անձեռոցիկ-սրբիչները, զգեստի տեսակները՝ գլխաշոր, գոգնոց, ջուպա, շալվար, կատարված են տարբեր տեխնիկայով՝ հարթակար (լիցք), վերադիր կար, ուղղաձիգ կար, խաչկար, թելքաշ և այլն: Ասեղնագործության համար օգտագործվել են բրդե, մետաքսե, բամբակե գունավոր թելեր, գույնզգույն ուլունքներ: Ֆոնդում շատ են արծաթե և ոսկեզօծ թելերով կատարված ասեղնագործ ա-

ռարկաները՝ մեծ գորգը (N° 1991), ձիու թամբի ծածկոցը (N° 6268), էջմիածնի վանքի պատկերը (N° 3731) և այլն, որոնք կատարված են Վանում, Բարձր Հայքում: Ասեղնագործության մեջ օգտագործվել են բուսական-կենդանական մոտիվներ, ինչպես նաև երկրաչափական նախշեր: Ասեղնագործության տարբեր տեսակների հայտնի վայրեր են Այնթափը, Մարաշը, Վանը, էրզրումը:

Վանի նուրբ ժանյակները հայտնի են եղել նաև Հայաստանի սահմաններից դուրս: Հավաքածուի N° 435, N° 438, N° 447 և այլ ժանյակները վանեցի կանանց ձեռքի նուրբ գործեր են:

Փայտե իրերի հավաքածուն համեմատաբար փոքր է: Բայց տարիների ընթացքում հաջողվել է բնակչությանից ձեռք բերել և ստեղծել արժեքավոր ժողովածուներ, որոնք բնորոշում են այս կամ այն շրջանի բնակչության տնտեսությունը, մշակույթը, զբաղմունքի տեսակը: Ֆոնդում կան լուսամուտի ցանցեր, բազկաթոռներ, խնոցիներ, օրորոցներ, սխտործեծիկներ, դղրլնոցներ, գաթանախշիկներ, գդալ-շերեփներ, դաճեր, սկուտեղներ, տուփեր և այլն, ինչպես նաև նրաժշտական գործիքների տեսակներ, պատրաստված կաղնու, ընկուզենու, ծիրանի և այլ տեսակի փայտից: Այս փայտե իրերի զգալի մասը փորագրազարդ է, հայկական ճարտարապետությանը հատուկ աշխարհիկ մոտիվներով: Շնորհալի վարպետ Ազատյանի սկուտեղը և մյուս վարպետների գործերը ցույց են տալիս հայ արվեստագետ-վարպետների հմտությունը նաև այդ բնագավառում:

Արտագրության միջոցներից ֆոնդում իր բազմազանությամբ հարուստ է գյուղատնտեսական գործիքների հավաքածուն (գութան, վեցկեկամ, թի, եղան, բրիչներ, մանգաղներ և այլն), Գութանը և արորը Հայաստանում օգտագործվել են դեռևս հնագույն ժամանակներում: Զվարթնոցի տաճարի տնտեսական շենքերի ավերակները պեղելու ժամանակ ի հայտ է եկել գութանի խոփ, որը պատկանում է X դարին: XVI—XVII դարերի բազմաթիվ տապանաքարերի վրա կան ճանր գութանի պատկերներ, որոնք քաջում են առնվազն 6 դույզ եզներ և կոչվում են վեցկեկ: Ընդհանրապես գութանը քաջել են 4—12 դույզ եզներ, նայած հողի կարծրությանը: Հասկանալի է, որ ամեն գյուղացի, նույնիսկ միջակը, 4 կամ ավելի լուծ եզներ չէր կարող ունենալ, այդ պատճառով նրանք վարելու ժամանակ ընկերություններ էին կազմում. մի քանի տնտեսություններ միանում էին և հեքթով վարում իրենց հողերը: Ինչպես հայտնի է, հութանն արդեն վերացել է, այսօր միայն թանգարանում կարելի է տեսնել այն: Իսկ արորը օգտագործվում է քարքարոտ տեղերում, մեծ

թեքություն ունեցող արտերում, տնամերձ հողամասերում և ոռոգման առունները հանելու համար, այսինքն այնպիսի տեղերում, որտեղ տրակտորը չի կարող աշխատել:

Ֆոնդի գյուղատնտեսական գործիքների նմուշները օգտագործվել են գերազանցապես Արատյան դաշտում, Իջևանի, Նոյեմբերյանի շրջաններում:

Ֆոնդում կան նաև գյուղատնտեսության օժանդակ ձյուղերից մեկի՝ շերամապահության, ինչպես նաև ժողովրդի զբաղմունքի այլ տեսակներին՝ մեղվարուծությանը, որսորդությանը, ձրկնորսությանը վերաբերող գործիքներ և այլ առարկաներ:

Ազգագրական ֆոնդերը հարստացնում են խեցեղենն ու հախճապակե նուրբ անոթները: XVIII—XX դդ. կավագործությունը այնպիսի զարգացում չի ապրել, ինչպես միջնադարում, քայքայ առանձին շրջաններում կավը շատ գործածական է եղել կենցաղում: Կավից պատրաստած մարդակերպ աղամանները, կրակարաններ, կարասներ, ծափերն ու կճուճները, շորթանհարիները, զանազան անոթները տարածված են եղել Հայաստանի գրեթե բոլոր շրջաններում և մինչև այսօր էլ որոշ վայրերում շարունակում են իրենց գոյությունը: Խեցեղենը պատրաստված է ձեռքով և զրգի վրա: Դրգի վրա գերազանցապես տղամարդիկ են աշխատել, իսկ ձեռքով պատրաստածը կանանց գործն է:

Իսկապես ինքնուրույն շատ հետաքրքիր են մարդակերպ աղամանները: XIX դարում տարածված են եղել նաև կենդանաձևի աղամանները, որոնք ունեն այծի մարմին և մարդկային գլուխ կամ սոսկ ֆանտաստիկ շորքոտան: Էկրպարանք: Աղամանների ձևերը ավելի հին շրջանում կապված են եղել տոտեմիզմի՝ կենդանապաշտության հետ, իսկ ուշ ժամանակներում մարդու էկրպարանք են ստացել և ձեռք բերել նոր իմաստ: Ըստ ազգագրագետ Վ. Իդոյանի, հայկական մարդակերպ և կենդանաձևի աղամանները եղել են նախ կուրքեր, ապա Անադիտ մայրաստվածության արձաններ: Աղբ հայերի մեջ պաշտամունքի առարկա է եղել հնուց ի վեր, ուստի, նույն հեղինակի կարծիքով՝ այն գետնաղվել է կուրք-արձանի մեջ, Դրանով պետք է բացատրել, որ աղամանները երբեմն պատկերում են կնոջը՝ Երեխաների հետ միասին: Աղամանը մոր խորհրդանշանն է, իսկ աղբը որդեծնության պաշտպան-ոգին, այդ պատճառով էլ դարեր շարունակ նորածին երեխայի վրա աղ են ցանել, որը պետք է պաշտպաներ երեխայի առողջությունը և ապահովեր նրա կյանքը: Կուրք-արձան աղամանները պահվել են տան ամենապատվավոր անկյունում, պատվանդանի վրա կամ պատհանի մեջ: Թան-

դարանի ազգագրական ֆոնդում Էդած աղամանների գլուխները պատրաստված են ճիշտ այն գլխակապման ձևով, որը մինչև այժմ հայտնի է ավագ սերնդի մեջ: Նրանք ունեն մազի հյուսեր ետևի կողմից, բերանը փորի վրա, նրա տակ՝ մանյակ-հեքյալ: Աղամանների հանդամանալից ուսումնասիրությունը մեծ շահով կպարզի մոր պաշտամունքի աստիճանական զարգացումը, ինչպես նաև կճշտի այդ նույն աստվածության տարածման սահմանները:

Կնոջ կերպարանքով կավամանի պաշտամունքը Հայաստանում եղակի չէ. այն տարածված էր հատկապես փոքրասիական հնագույն պետություններում և առաջավոր Ասիայում քայքայ տարրերությունն այն է, որ այդ երկրներին՝ պաշտվող կավամանները այն նպատակի, չեն ծառայել, ինչ հայկականը: Կավամանների ֆոնդում պահվում են նաև ժամանակակից խեցեղործներ Բղևյանի, Սյւմոնյանի, Շափերյանի, Աղաջանյանի գործերը, ինչպես նաև Յուվայում գործող կավագործության արհեստանոցի արտադրած կենցաղային առարկաները:

Ազգագրական ֆոնդում զգալի տեղ են գրավում ազգագրական քարտեզներն ու բազմաթիվ լուսանկարների, նկատիվների հարուստ հավաքածուն: Այստեղ են պահվում Ա. Պատրիկի կազմած «Հայ ժողովրդի տարադի գունավոր քարտեզը», որ նա պատրաստել է ֆոնդում եղած զգեստների ուսումնասիրության հիման վրա. քարտեզում տրված են պատմական Հայաստանի տարրեր շրջանների տղամարդկանց, կանանց և երեխաների հագուստի տեսակները, ն. Ավդալբեգյանի կազմած մեծ քարտեզները՝ «Արևելյան Հայաստանի ազգագրական քարտեզը Ռուսաստանին միացվելուց առաջ, մինչև 1827 թ.», «Արևելյան Հայաստանի ազգագրական քարտեզը Ռուսաստանին միացվելուց հետո, 1829—1832 թթ.», կամերալ նկարագրության տվյալներով, և այլ քարտեզներ:

Ֆոնդում են գտնվում անվանի նկարիչներ Վ. Սուրենյանցի «Մշիցի հայ կին», «Վանեցի հայ տղամարդ», «Զեյթունցի հայ տղամարդ» և այլ գործերը, Ախիկյանի «Ջավախեցի և թիմարցի հայ կանայք», «Պարսկահայուհի», Լանսբերի «Շամախեցի հայ կին», «Ախալցխացի հայ կին», «Նորթեցի հայ կին» նկարները և շատ ուրիշ նկարիչների գործեր:

Սովետական Միության տարրեր քաղաքներից Նրևան են գալիս բազմաթիվ արվեստագետներ, նկարիչներ, կիրառական արվեստի ներկայացուցիչներ, որոնք Մոսկվայի, Լենինգրադի, Ռիգայի, Տալինի, Կիևի, Խարկովի, Խերսոնի, Բվանովոյի և այլ քաղաքների համապատասխան ֆարրիկաների նոր արտադրանքը գեղարվեստորեն ձևավորելու համար օգտվում են

այս հավաքածուների մոտիվներից և զարգացնելու:

Թանգարանի ազգագրական ֆոնդի մի մասը ցուցադրված է Ցուցադրությունը սկսվում է իսթանբուլյան համայնական հասարակարգից՝ Արտին լեռան ստորոտում (Արագած) գտնված Շելյան կուլտուրայի ցուցադրումով և ավարտվում է XIX դարի վերջի նյութերով: Ցուցադրությունը դասավորված է ըստ հասարակության զարգացման ֆորմացիաների:

Ազգագրական ֆոնդի լավագույն նմուշները ցուցադրված են XVI—XIX դարերի հայ ժողովրդի պատմության և մշակույթի համատեղ ցուցադրության սրահում: Ազգագրական նյութերը պատմությանը զուգընթաց դասավորելուց բացի հաշվի են առնված նաև առանձին բնադրվածները՝ գյուղատնտեսությանը, հատկաց-

ված է հատուկ սրահ, արհեստներին՝ առանձին և այլն: Առանձին ազգագրական շրջանների տարազը, կենցաղային իրերը ցուցադրված են օպտադործելով նաև քարտեզներ, ազգագրական լենույթի նկարներ և այլն:

Թանգարանը կադմակերպել է հայ ժողովրդի պատմության շրջիկ ցուցահանդես, որի մեջ զգալի տեղ է հատկացված նաև ազգագրությանը:

Թանգարանի ազգագրական հարուստ ժողովածուները եղել են և երկար կծառայեն իբրև հայ ժողովրդի պատմության, նրա տնտեսության ու արտադրական կյանքի, կենցաղի, մշակույթի և արվեստի զանազան ճյուղերի ուսումնասիրման ու գնահատման կարևոր աղբյուր:

Ն. ԱՎԱԳՅԱՆ

ՓԱՐԻՋԻ ՀԱՅԱԳԻՏԱԿԱՆ ԸՆԿԵՐՈՒԹՅԱՆ ԵՎ ՀԱՅԱԳԻՏԱԿԱՆ ՀԱՆԴԵՍԻ ՄԱՍԻՆ

1. ՀԱՅԱԳԻՏԱԿԱՆ ԸՆԿԵՐՈՒԹՅՈՒՆ

1920 թ. հունվարի 9-ին Փարիզի Արևելյան հանգանի լեզուների ազգային բարձրագույն դպրոցում հավաքված մի խումբ ֆրանսիացի գիտնականներ և արվեստագետներ՝ ակադեմիկոս հայագետներ Անտուան Մելյեն, Ֆրեդերիկ Մակլերը, Հ. Լուի Մարինը, հայ դարավոր մշակույթի և այն ստեղծած ժողովրդի բարեկամներ Երուզանդազես Շարլ Դիլլ (Ֆրանս. ակադեմիայի անդամ), սլավոնագետ Պոլ Բուայեն, արվեստագետ (1929 թ. ակադեմիայի անդամ) Դարրիկ Միլլեն, Արևելյան կենդանի լեզուների բարձր. դպրոցի անօրին Պոլ Ալֆանդերին, Կամեզի-Ֆրանսեզի ակադեմի գերասանուհի Գարրիկ Ռեվալը և ուրիշներ, ինչպես նաև ֆրանսիական մի քանի հայեր հիմնում են Société des Études arméniennes հայագիտական ընկերությունը և նրա պաշտոնական պարբերական Revue des Études arméniennes հայագիտական հանգեսը: Մակլայի գեղես 1919 թ. աշնանը Ա. Մելյեն և Ֆ. Մակլերը, որոնք շատ մեծ ազանդ են թողել հայագիտությանը, արդեն որոշել էին ընկերության նպատակը, նախագծել հանգեսի հետազոտային ուղղությունը, և նրանց նախաձեռնությամբ էր հրավիրված հիմնադիր նիստը: Ուստի այդ երկու հայագետներին է պատկանում ընկերության և նրա հանգեսի ստեղծման պատիվը: Ըստ այնի էլ առաջին հիմնադիր նիստում Մելյեն երկուսերին պարգևատրում է հայագիտական ընկերության

նպատակը, այն է՝ զննություններով, հազորդումներով, հայագիտական նստաշրջաններով և հատկապես հայագիտական հանգեսի հրատարակությամբ: Նվիրույթային առաջ բացել հայագիտության դոկերը, զարգացնել հայ ժողովրդի անցյալին և ներկային վերաբերող հետազոտությունները, հրատարակությունները, նախաշնչալ հայ ժողովրդին, որը, ի հենույն պատերազմում կրած վայրագ ջարդերի, արհամիրթիջ մի անգամ ևս դուրս էր եկել վերավոր, բայց զբաղել էր իր կենսառնակությունը: Մելյեն և Մակլերի հիմնադրած հայագիտական այս ընկերությունը և հանգեսը մարդասիրական և հայասիրական ախ միջոցառումներից էին, որ ֆրանսիացի ողջամիտ մտավորականները ծավալել էին պատերազմի ժամանակ և շարունակելու էին դրանից հետո՝ հայ ժողովրդի մշակույթը, բարոյական արժանիքները բազմակիթ աշխարհին հայտնի դարձնելու և դրանով իսկ նրա ոստակոխ արված իրավունքները պաշտպանելու նպատակով:

Առաջին նիստում ընտրվում է ընկերության վարչական կազմը՝ պատվավոր նախագահ՝ Դյուստալ Ելուսերթեն, ակադեմիայի անդամ-նախագահ՝ Շարլ Դիլլ, նախագահի անդակալներ՝ սենատոր Վիկտոր Թերար (մահ. 1921 թ.), և Ա.-Ֆ. Հերուլդ, Մարգու իրավունքների լիգայի նախագահի անդակալ, գլխավոր բաժնույզար՝ Ա. Մելյեն, կազմ գր Ֆրանսի գաղափարական ակադեմիայի անդամ, կառավարիչ-գլխավորագետ՝